



Broj: 13-04-04-51808-2/22
Sarajevo, 25.01.2023. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO

- **SKUPŠTINA KANTONA SARAJEVO**
Služba za skupštinske poslove
- **OVDJE -**

- **VLADA KANTONA SARAJEVO**
Stručna služba Vlade
- **OVDJE -**

Predmet: Odgovor na zastupničku inicijativu , dostavlja se

Zastupnica Jelena Pekić, je na Drugoj radnoj sjednici Skupštine Kantona Sarajevo, održanoj dana 30.12.2022. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članom 213. Poslovnika Skupštine Kantona Sarajevo („Službene novine Kantona Sarajevo”, br. 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka), uputila zastupničku inicijativu prema Vladi Kantona Sarajevo kako slijedi:

“ Za uspostavljanje Programa: “Sarajevo — Središte IT industrije”, koji uključuje:

- 1) Da se u 2023. godini usvoji Program izdvajanja za podršku programima edukacije i prekvalifikacije za pozicije u IT sektoru u saradnji sa Univerzitetom u Sarajevu, reprezentativnim udruženjima i asocijacijama iz IT sektora, a posredstvom Službe za zapošljavanje Kantona Sarajevo;
- 2) Da Ministarstvo za odgoj i obrazovanje uspostavi saradnju sa međunarodnim donatorima na projektima koji će doprinjeti značajnijem uključivanju učenika osnovnih i srednjih škola u STEM sekcije i programe;
- 3) Da Ministarstvo privrede Kantona Sarajevo poveća finansijska izdvajanja i proširi kriterije za start-up fond za podršku mikro, malim i srednjim preduzećima — start-upima mladim od 5 godina koji su fokusirani na razvoj IT usluga i razvoj mogućnosti i usluga od podrške IT sektoru, uključujući usluge prekvalifikacije i dodatna usavršavanja za IT usluge;
- 4) Osigurati posebno izdvajanje u Budžetu Kantona Sarajevo za 2023. godinu za provedbu inicijative “Sarajevo — Središte IT industrije” kao strateškog cilja nove Vlade Kantona Sarajevo uz prethodnu procjenu neophodnih finansijskih sredstava.

Nakon što smo razmotrili navedenu inicijativu, dajemo sljedeći odgovor:

Članom 4. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", br. 4/04, 29/09 i 18/13) (u daljem tekstu: Zakon) propisano je da Vlada Kantona Sarajevo utvrđuje godišnji Program mjera (u daljem tekstu: Program) koje se u Kantonu poduzimaju u cilju provođenja pojedinačnih, konkretnih vidova podsticanja zapošljavanja, te da Program iz stava (1) ovog člana Vlada Kantona Sarajevo utvrđuje na zajednički prijedlog Ministarstva za rad, socijalnu politiku, raseljena lica i izbjeglice Kantona Sarajevo, Ministarstva privrede Kantona Sarajevo i Javne ustanove "Služba za zapošljavanje Kantona Sarajevo" Sarajevo (u daljem tekstu: Kantonalna služba).

Članom 9. Zakona propisano je da se Programom, pored definisanja pojedinačnih podsticajnih mjera, utvrđuju i finansijska sredstva, kriteriji i rokovi realizacije svake od predviđenih podsticajnih mjera, a da Kantonalna služba u roku od 15 dana od dana utvrđivanja Programa objavljuje javni poziv za učestvovanje u realizaciji Programa, najmanje u jednom dnevnom listu koji izlazi u Kantonu i na web stranici Kantonalne službe.

U skladu sa gore citiranim odredbama Zakona, Ministarstvo za rad, socijalnu politiku, raseljena lica i izbjeglice Kantona Sarajevo nema nadležnost da, u ime Javne ustanove "Služba za zapošljavanje Kantona Sarajevo" Sarajevo, zaključuje programe edukacije i prekvalifikacije sa drugim institucijama, udruženjima i asocijacijama.

Ministarstvo ima samo nadležnost da, predlaže provođenje pojedinačnih, konkretnih vidova podsticanja zapošljavanja, koji će, ako budu prihvaćeni od strane Ministarstva privrede Kantona Sarajevo i Kantonalne službe, biti predloženi Vladi Kantona Sarajevo, u sklopu godišnjeg Programa mjera.

Obzirom na navedeno, Ministarstvo podržava navedenu inicijativu i istu će imati u vidu pri sljedećem utvrđivanju Programa, u dijelu u kojem je ista u obimu zakonskih mogućnosti.

Tačke od 2) do 4) zastupničke inicijative nisu u nadležnosti ovog ministarstva, te Ministarstvo nema nadležnost za odgovaranje na iste.

S poštovanjem,

Pripremila: Aldina Šantić Zebo, stručni savjetnik

Kontrolisala: A [redacted] Ministarstva



Dostaviti:

1. Naslovu,
2. A/a.



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

2/2